

Najib temui ADUN BN Sarawak
Malaysiakini.com
February 6, 2011

Perdana Menteri, Datuk Seri Najib Tun Razak mengadakan perjumpaan tertutup dengan 63 ADUN BN Sarawak di sebuah hotel terkemuka di Miri, hari ini.

Setiausaha Agung BN, Datuk Seri Tengku Adnan Tengku Mansor turut serta bersama beliau dalam pertemuan itu.

Kumpulan pertama yang ditemui beliau terdiri dari Ranum Mina yang merupakan Adun Opar, Datuk Peter Nansian Ngusie (Tasik Biru), Tan Sri Adenan Satem (Tanjung Datu), Dr Abdul Rahman Junaidi (Santubong) dan Dr Abang Abdul Rauf Abang Zen (Demak Laut).

Semasa ditemui pemberita sebelum itu, Tengku Adnan berkata sesi pertemuan itu merupakan sebahagian daripada inisiatif Perdana Menteri di bawah Program Transformasi Politik beliau.

Pertemuan ini juga merupakan susulan kepada pertemuan Najib dengan semua anggota parlimen BN di Kuala Lumpur 8 Januari lepas, katanya.

--Bernama

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/155320>